

առնն, նոյնպէս բարձրագիտակ, այլ կանացի և վայելչական գեղով, ծիրանեաց և շղարչներու մէջ, իբրև յաւերժ հարսնուհի, քմծիծաղով հաճիլ կը ձևացընէ. այլ 'ի սրտէ անշուշտ կը զրուցէ՝ թէ « Այդ փառք՝ նոր չեն ինձ համար. զի քոյր եմ « մեծին և քաջին 'ի թագաւորս՝ Տիգրանայ Ա. — « շակունւոյ »: — Մինչդեռ այս կարճ միջոցին, որ հազիւ քառորդ մի ժամու աւեց. Միհրդատ անունը իբրև ելեկտրական կայծ մի կը մղէր կը տանէր միտքս՝ հնադարեան պատմութեանց մէջ, փոքրիկ շոգենաւը մեծին մերձենալով, որոյ հազիւ կայմը կ'երևնար, վարէն 'ի վեր կը սուլէր 'ի Կերջ նաւորդաց՝ թէ ժամանակ է մեկնելու. հապճեպով պարկիկս առած՝ իջայ փոքր նաւուն վրայ, որ շուտով հասուց զմեզ 'ի Կերջ:

Սա երկուց ծովուց մէջ, նոյն և երկուց աշխարհաց (Կովկասու և Ռուսաստանի) վաճառաշահ և Ղրիմու բազմամարդ քաղաքաց մին է. իւր բնակիչքն 22,000 Սևաստապոլեան պատերազմէն վերջը՝ տէրութիւնն մասնաւոր խնամք դարձուցել էր այս քաղաքիս վրայ, իբրև պատերազմական նշանաւոր կէտ մի. բերզը Ռուսաստան աշխարհի առաջնակարգ ամրութեանց մէկն է, որ զնեղուցը կը պաշտպանէ. յետին արևելեան պատերազմին միջոց, երբ թուրք մարտիկ նաւերն ումրակոծեցին անպատասպար ծովափնեայ քաղաքները Եւպատորիա և Թէոդոսիա, շհամարձակեցան Կերջի մտենալ:

Հայկազունք սակաւաթիւ են քաղաքիս մէջ, այլ օւնին փոքրիկ վայելչաձև եկեղեցի՝ հանդերձ փոքրիկ ուսումնարանով:

Նոյն օրը՝ կիրակի երեկոյին՝ փոքր շոգենաւով մեկնեցայ 'ի Կերջէ դէպ 'ի Պերտեանսք, ուր հարկ